

definiunt. Inediam multorum dierum, morbos, & ærumnas lenissime & constantiffimè perferunt. Ipsos partus dolores, licet acerbiffimos, ita diffimulant feminae vel fuperant, ut ne ingemifcant quidem: ac fi cui lacryma vel gemitus excideret, æterna flagraret ignominia, neque virum, à quo duceretur, præterea in veniret, Nihil unquam amicus cum amico, uxor cum viro, cum uxore vir, queritur & expoftulat. Liberos mira caritate complectuntur: fed modum non tenent; in eos enim neque animadvertunt ipfi, neque ab aliis animadverti finunt. Hinc petulantia puerorum & ferocitas, quæ, poftquàm fe corroboravit ætate, in omne fcelus erumpit. Quam autem erga liberos & familiares comitatem præ fe ferunt, eandem cum ceteris civibus fuis, ac popularibus, ufurpant. Si quis amariore joco quempiam momordit, (nam dicaces vulgo funt, & in jocos effufi) belle diffimulant, aut vicem reponunt, & abfentes remordent; nam præfentes cavillari, aut coram dictis inceffere, religio eft. Non aliud libentiùs convicium regerunt laceffiti, quàm fi hominem ingenio carere dicant. Scilicet ingenii laudem vindicant fibi; nec temere. Nemo inter illos hebes, ac tardus; quod nativa illorum in deliberando prudentia, & in dicendo facundia, declarat. Auditique quidem sæpe funt tam appofitè ad perfuadendum perorare, idque ex tempore, ut admirationem exercitiffimis in dicendi palæftra moverent.

Respondet ingenio corpus, aptum membris, pro-